

Kalaallit Nunaanni Pinerluuteqarsimasunik Isumaginnittoqarfiup inissiisarfii inissitat akissarsiaasa assigisaasalu qaffasissusissaat pillugit nalunaarut (2012)

Tak. inatsit nr. 306, 30. april 2008-meersoq, Kalaallit Nunaanni pinerluttulerinermik inatsimmi § 205, imm. 3, § 213, imm. 2 aamma § 244, imm. 2 naapertorlugit, aalajangersarneqarpoq:

§ 1. Aningaasat pigisanik nalunaarummi § 18, imm. 1-imi taaneqartut 31. december 2012 tungaanut 460,56 kr.-iussapput, taamaattorli tak. imm. 2 aamma 3.

Imm. 2. Sulisitaanermik nalunaarummi kapitali 5 malillugu inissitaq nerisassarsiutissanik namminerlu aqutassanik kaasarfimmiiussinneqassappat tamatumunnga atugassat aningaasanik imm. 1-imi taaneqartunik qaffanneqassapput, tak. § 2 aamma sulisitaanermik nalunaarummi kapitali 5.

Imm. 3. Imm. 1 naapertorlugu tunniuttakkat inorlugit inissitaq aningaasarsiaqarpat tunniuttakkanut naamaqutissat annertoqataanik tunniuttakkat annikillisinneqassapput.

§ 2. Aningaasat qaffasissusissaat makku sulisitaanermik nalunaarummi taaneqartut 31. december 2012 tungaanut imatut qaffasissuseqassapput:

- 1) Aningaasat nalunaarummi § 4-mi taaneqartut 11,51 kr.-iussapput (akissarsiat tunngaviusut).
- 2) Aningaasat nalunaarummi § 6, imm. 1-imi taaneqartut 3,51 kr.-iussapput (aalajaassusermut tapit).
- 3) Aningaasat nalunaarummi § 6, imm. 2-mi taaneqartut 3,51 kr.-iussapput (piginnaaneqarnermut tapit).
- 4) Aningaasat nalunaarummi § 7-imi taaneqartut 6,03 kr.-iussapput (persaqqusersuutininut tapit).
- 5) Aningaasat nalunaarummi § 8-mi taaneqartut aningaasarsiat tunngaviusut 50%-erissavaat aalajaassusermut piginnaaneqarnermullu tapit (qaangiuttoornersiat) ilanngullugit.
- 6) Aningaasat nalunaarummi § 9, imm. 1-imi taaneqartut 76,67 kr.-iussapput (sapaataasani akissarsiat)
- 7) Aningaasat nalunaarummi § 10, imm. 1-imi taaneqartut 68,14 kr.-iussapput. (napparsimanermi akissarsiat).
- 8) Aningaasat nalunaarummi § 16, imm. 1-imi taaneqartut 77,88 kr.-iussapput (nerisassarsiutissat).
- 9) Aningaasat nalunaarummi § 17, imm. 1-imi taaneqartut 8,38 kr.-iussapput (nammineq aqutassat).
- 10) Aningaasat nalunaarummi § 17, imm. 2-mi taaneqartut 1,24 kr.-iussapput (ullormut errorsinersiassat).
- 11) Aningaasat nalunaarummi § 17, imm. 3-mi taaneqartut 103,02 kr.-iussapput (nujalerisumut).
- 12) Aningaasat nalunaarummi § 18, imm. 2-mi taaneqartut 354,13 kr.-iussapput (inuulluarniutininut siumuukkat).
- 13) Aningaasat nalunaarummi § 19, imm. 2-mi taaneqartut 141,65 kr.-iussapput (nerisassanut namminerlu aqutassanut siumuukkat).

§ 3. Pinerluuteqarsimasunik isumaginnittoqarfiup inissiisarfianiinermut akiliutit pillugit nalunaarummi malittarisassat naapertorlugit 31. december 2012 tungaanut inissiisarfimmiinnermut akiliut nalunaaquttap akunnerannut 24,45 kr.-iussaaq, taamaattorli takuuk imm. 2.

Imm. 2. Pinerluuteqarsimasunik isumaginnittoqarfiup inissiisarfianiinermut akiliutit pillugit nalunaarummi malittarisassat naapertorlugit 31. december 2011 tungaanut inissiisarfimmiinnermut akiliut sapaatip akunneranut annerpaamik 978,08 kr.-iusinnaavoq.

§ 4. Nalunaarut manna atuutilerpoq 1. januar 2012.

Kalaallit Nunaanni Pinerluuteqarsimasunik Isumaginnittoqarfik, ulloq 9. december 2011

THOMAS NICOLAJSSEN